

**ՊԵՏՈՒԹՅԱՆ ԿԱՐԻՔՆԵՐԻ ՀԱՄԱՐ ՀՀ ՏԱՎՈՒՇԻ ՄԱՐԶԻ ԲԵՐԴԻ ՏԱՐԱԾԱՇՐՁԱՆԻ
ՄԱՐԶԱՅԻՆ/ՏԵՂԱԿԱՆ/ ՆՇԱՆԱԿՈՒԹՅԱՆ ԱՎՏՈՃԱՆԱՊԱՐՀՆԵՐԻ ԸՆԹԱՑԻԿ
ԱՄԱՌԱՅԻՆ ԵՎ ԸՆԹԱՑԻԿ ՁՄԵՌԱՅԻՆ ՊԱՀՊԱՆՄԱՆ ԱՇԽԱՏԱՆՔՆԵՐԻ
ԿԱՏԱՐՄԱՆ ՊԵՏԱԿԱՆ ԳՆՄԱՆ ՊԱՅՄԱՆԱԳԻՐ
N ԳԱԿ-ՇՀԱՇՁԲ-15/1-SU-16/1-2**

ք. Իջևան

<<11>> հունվարի 2016 թ.

<<<< Տավուշի մարզպետարանը>> , ի դեմս աշխատակազմի ղեկավար Ա. Դավթյանի, որը գործում է մարզպետարանի կանոնադրության հիման վրա (այսուհետև՝ Պատվիրատու), մի կողմից, և «Տավուշի ՃՇՇ» ՓԲԸ-ն, ի դեմս Ընկերության տնօրեն Գ. Ադամյանի (այսուհետև՝ Կատարող), մյուս կողմից, կնքեցին սույն պայմանագիրը հետևյալի մասին:

1. ՊԱՅՄԱՆԱԳՐԻ ԱՌԱՐԿԱՆ

1.1 Պատվիրատուն հանձնարարում է, իսկ Կատարողը ստանձնում է ՀՀ Տավուշի մարզի Բերդի տարածաշրջանի մարզային /տեղական/ նշանակության ավտոճանապարհների ընթացիկ ամառային և ընթացիկ ձմեռային պահպանման աշխատանքների կատարման պարտավորությունը (այսուհետև՝ Աշխատանք)՝ համաձայն սույն պայմանագրի անբաժանելի մասը կազմող N 1 հավելվածով սահմանված Տեխնիկական բնութագիր-գնման ժամանակացույցի պահանջների:

1.2 Աշխատանքը կատարվում է սույն պայմանագրի N 1 հավելվածով սահմանված Տեխնիկական բնութագիր-գնման ժամանակացույցին համապատասխան և կատարման ժամկետ է սահմանվում մինչև՝ 31.12.2020թ.-ը:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

2.1 Պատվիրատուն իրավունք ունի՝

2.1.1 Ցանկացած ժամանակ ստուգել Կատարողի կողմից կատարվող Աշխատանքի ընթացքը և որակը՝ առանց միջամտելու Կատարողի գործունեությանը.

2.1.2 Եթե կատարվել է սույն պայմանագրի N 1 հավելվածում նշված Տեխնիկական բնութագիր-գնման ժամանակացույցին չհամապատասխանող Աշխատանք.

ա) Չընդունել Աշխատանքը՝ իր հայեցողությամբ սահմանելով անպատշաճ որակի Աշխատանքը սույն պայմանագրին համապատասխանող Աշխատանքով անհատույց փոխարինման ողջամիտ ժամկետ և պահանջել Կատարողից վճարելու սույն պայմանագրի 5.2 կետով նախատեսված տուգանքը, ինչպես նաև 5.3 կետով նախատեսված տույժը.

բ) Հրաժարվել սույն պայմանագիրը կատարելուց և պահանջել վերադարձնելու Աշխատանքի համար վճարված գումարը և պահանջել Կատարողից վճարելու սույն պայմանագրի 5.2 կետով նախատեսված տուգանքը.

2.1.3 Միակողմանի լուծել սույն պայմանագիրը, եթե Կատարողն էականորեն խախտել է սույն պայմանագիրը: Կատարողի կողմից պայմանագիրը խախտելն էական է համարվում, եթե՝

ա) կատարված Աշխատանքը չի համապատասխանում սույն պայմանագրի N 1 հավելվածով սահմանված պահանջներին,

բ) խախտվել է Աշխատանքի կատարման ժամկետը:

2.2 Պատվիրատուն պարտավոր է՝

2.2.1 Քննարկել և ընդունել Տեխնիկական բնութագիր-գնման ժամանակացույցին համապատասխան կատարված Աշխատանքի արդյունքը, իսկ Աշխատանքի արդյունքում թերություններ հայտնաբերելու դեպքերում՝ այդ մասին անհապաղ գրավոր հայտնել Կատարողին:

2.2.2 Աշխատանքի արդյունքն ընդունելու դեպքում Կատարողին վճարել վերջինիս վճարման ենթակա գումարները, իսկ ժամկետի խախտման դեպքում՝ նաև սույն պայմանագրի 5.5 կետով նախատեսված տույժը:

2.3 Կատարողն իրավունք ունի՝

2.3.1 Պատվիրատուից պահանջել վճարելու իրեն վճարման ենթակա գումարները, իսկ Պատվիրատուի կողմից սույն պայմանագրի 4.2 կետում նշված ժամկետի խախտման դեպքում նաև սույն պայմանագրի 5.5 կետով նախատեսված տույժը:

2.4 Կատարողը պարտավոր է՝

2.4.1 Սույն պայմանագրի N 1 հավելվածով սահմանված պայմաններով ապահովել Աշխատանքի կատարումը՝ ղեկավարվելով գործող օրենսդրությամբ:

2.4.2 Սույն պայմանագրով նախատեսված դեպքերում վճարել սույն պայմանագրի 5.2 և 5.3 կետերով նախատեսված տույժը և տուգանքը:

2.4.3 Սույն պայմանագրի կատարման ապահովման գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:

3. ԱՇԽԱՏԱՆՔԻ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ

3.1 Պայմանագրի կամ դրա մի մասի կատարման արդյունքներն ընդունվում են Պատվիրատուի և Կատարողի միջև հանձնման-ընդունման արձանագրության ստորագրմամբ, իսկ պայմանագրի արդյունքը Պատվիրատուին հանձնելու փաստը ֆիքսվում է երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև սույն պայմանագրով նախատեսված Աշխատանքի կատարման ավարտի օրը ներառյալ Կատարողը Պատվիրատուին է ներկայացնում կատարված Աշխատանքի մասին իր կողմից ստորագրված հանձնման-ընդունման արձանագրության երեք օրինակ (Հավելված N 3) և պայմանագրի արդյունքը Պատվիրատուին հանձնելու փաստը ֆիքսող փաստաթուղթը (Հավելված N 3.1):

3.2 Հանձնման-ընդունման արձանագրությունն ստորագրվում է, եթե կատարված Աշխատանքը համապատասխանում է պայմանագրի պայմաններին: Հակառակ դեպքում պայմանագրի կամ դրա մի մասի կատարման արդյունքները չեն ընդունվում, հանձնման-ընդունման արձանագրություն չի ստորագրվում և Պատվիրատուն՝

ա) հարցի կարգավորման համար ձեռնարկում է նման իրավիճակի համար սույն պայմանագրով նախատեսված միջոցները.

բ) Կատարողի նկատմամբ կիրառում է սույն պայմանագրով նախատեսված պատասխանատվության միջոցներ:

3.3 Պատվիրատուն հանձնման-ընդունման արձանագրությունը ստանալու պահից հինգօրյա ժամկետում Կատարողին է ներկայացնում իր կողմից ստորագրված հանձնման-ընդունման արձանագրության մեկ օրինակը կամ Աշխատանքը չընդունելու պատճառաբանված մերժումը:

3.4 Եթե Պատվիրատուն սույն պայմանագրի 3.3 կետով սահմանված ժամկետում չի ընդունում պայմանագրի արդյունքը կամ չի մերժում, ապա այն համարվում է ընդունված և սույն պայմանագրի 3.3 կետով սահմանված վերջնաժամկետին հաջորդող աշխատանքային օրը Պատվիրատուն Կատարողին է տրամադրում իր կողմից հաստատված հանձնման-ընդունման արձանագրությունը:

4. ՊԱՅՄԱՆԱԳՐԻ ԳԻՆԸ

4.1 Սույն պայմանագրով Կատարողի 2016 թվականին կատարման ենթակա Աշխատանքի ընդհանուր գինը կազմում է **45 400 000 (Քառասունհինգ միլիոն չորս հարյուր հազար)** ՀՀ դրամ, ներառյալ ԱԱՀ-ն: Գինը ներառում է Կատարողի կողմից իրականացվող բոլոր ծախսերը՝ այդ թվում հարկերը, տուրքերը և ՀՀ օրենսդրությամբ սահմանված այլ վճարները:

Պայմանագրով 2017 թվականի և հաջորդ տարիների համար նախատեսված աշխատանքները կկատարվեն դրանց համար համապատասխան ֆինանսական միջոցներ նախատեսվելուց հետո, որի մասին կողմերի միջև կկնքվի լրացուցիչ համաձայնագիր (այսուհետև՝ Համաձայնագիր), իսկ նշված Համաձայնագրով կսահմանվի կատարման ենթակա Աշխատանքների գինը:

Աշխատանքի կատարման գինը կայուն է և Կատարողն իրավունք չունի պահանջել ավելացնելու, իսկ Պատվիրատուն նվազեցնելու այդ գինը:

Աշխատանքի կատարման համար տվյալ տարվան հաջորդող տարվա ընթացքում միջոցներ չնախատեսվելու դեպքում, այդ մասով պայմանագիրը կլուծվի:

4.2 Պատվիրատուն կատարված Աշխատանքի դիմաց վճարում է անկանխիկ՝ դրամական միջոցները Կատարողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա կողմերի միջև կնքվելիք լրացուցիչ համաձայնագրի վճարման ժամանակացույցով նախատեսված ամսում, /եթե արձանագրությունը կազմվում է տվյալ ամսվա 20-ից հետո, ապա վճարումն իրականացվում է 20 բանկային օրվա ընթացքում/ բայց ոչ ավելի, քան նույն հավելվածով՝ վճարման ժամանակացույցով տվյալ ժամանակահատվածի համար նախատեսված գումարի չափից: Եթե ընդունված Աշխատանքի դիմաց վճարելու համար նախատեսված միջոցները չեն բավարարում, ապա վճարումն սույն կետի պայմաններով իրականացվում է այն ամսում, որում դրամական միջոցները նախատեսված են, սակայն ոչ ուշ քան կողմերի միջև լրացուցիչ համաձայնագրի կնքման տարվա դեկտեմբերի 20-ը:

4.2.1 Դեկտեմբերի 20-ից հետո կատարված աշխատանքների համար վճարումները կիրականացվեն նշված աշխատանքներն իրականացնելու համար հաջորդող տարվա հատկացված միջոցների հաշվին:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

5.1 Կատարողը պատասխանատվություն է կրում Աշխատանքի կատարման՝ սույն պայմանագրի պահանջների պահպանման համար:

5.2 Սույն պայմանագրի N 1 հավելվածում նշված տեխնիկական բնութագրին չհամապատասխանող Աշխատանք կատարելու յուրաքանչյուր դեպքում Կատարողից գանձվում է տուգանք՝ սույն պայմանագրի 4.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով¹:

5.3 Սույն պայմանագրով նախատեսված Աշխատանքի կատարման ժամկետը խախտելու դեպքում Կատարողից յուրաքանչյուր ուշացված օրվա համար գանձվում է տույժ՝ կատարման ենթակա, սակայն չկատարված Աշխատանքի գնի 0,05 (զրո ամբողջ հինգ հարյուրերորդական) տոկոսի չափով:

5.4 Սույն պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցվում են Աշխատանքը կատարելու արդյունքում Կատարողին վճարման ենթակա գումարների հետ:

5.5 Պատվիրատուի կողմից սույն պայմանագրի 4.2 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

5.6 Սույն պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

6. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆ (ՖՈՐՍ-ՄԱԺՈՐ)

Սույն պայմանագրով և սույն պայմանագրի հիման վրա կնքված Համաձայնագրերով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

7. ԱՅԼ ՊԱՅՄԱՆՆԵՐ

7.1 Հիմք ընդունելով «Գնումների մասին» ՀՀ օրենքի 14-րդ հոդվածի 7-րդ կետը՝ մինչև ֆինանսական միջոցներ նախատեսելը, սույն օրենքով սահմանված կարգով կարող է կնքվել պայմանագիր՝ պայմանով, որ դրա շրջանակներում գնում կարող է կատարվել անհրաժեշտ ֆինանսական միջոցներ նախատեսվելու դեպքում: Նույն կետի համաձայն՝ կնքված պայմանագիրը լուծարվում է, եթե այն կնքելու օրվան հաջորդող տարվա ընթացքում պայմանագրի կատարման համար ֆինանսական միջոցները չեն նախատեսվել:

7.2 Սույն պայմանագիրը համարվում է կնքված Կողմերի ստորագրման պահից և ուժի մեջ է մտնում գնումն իրականացնելու համար պահանջվող ֆինանսական հատկացումներ նախատեսված լինելու դեպքում սույն պայմանագրի անբաժանելի մասը կազմող վճարման կարգը սահմանող համաձայնագրի ստորագրման պահից և գործում է մինչև կողմերի սույն պայմանագրով ստանձնած պարտավորությունների ողջ ծավալով կատարումը:

Սույն մասի համաձայն կնքված պայմանագիրը կլուծարվի, եթե այն կնքելու օրվան հաջորդող տարվա ընթացքում պայմանագրի կատարման համար ֆինանսական միջոցները չեն նախատեսվել:

7.3 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, Կատարողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Պատվիրատուն իրավունք ունի միակողմանիորեն լուծելու պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Պատվիրատուն չի կրում պայմանագրի միակողմանի լուծման հետևանքով Կատարողի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Պատվիրատուի կրած վնասներն այն ծավալով, որը չի ծածկվում մինչև լուծումը գնման պայմանագրի կատարմամբ Պատվիրատուի ստացածով:

¹ Պայմանագիրն օրենքի 14-րդ հոդվածի 7-րդ կետի հիման վրա կնքված լինելու դեպքում տուգանքը հաշվարկվում է պայմանագրի գնի այն մասի նկատմամբ, որի համար փվյալ տարվա ընթացքում կհատկացվեն ֆինանսական միջոցներ և կկնքվի համաձայնագիր:

7.4 Սույն պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա սույն պայմանագրի անբաժանելի մասը:

Սույն պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով տվյալ գնումը կատարելու համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով տվյալ գնումը կատարելու համար անհրաժեշտ ֆինանսական հատկացումների նվազեցումը:

Արգելվում է սույն պայմանագրում, իսկ եթե պայմանագրի գինը գործոնային է, ապա նաև այդ պայմանագրին կից հաջորդող յուրաքանչյուր տարիներին կնքված համաձայնագրում կատարել այնպիսի փոփոխություններ, որոնք հանգեցնում են գնվող Աշխատանքի ծավալների կամ ձեռք բերվող Աշխատանքի միավորի գնի կամ պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ պայմանագրի փոփոխման դեպքերը սահմանում է Հայաստանի Հանրապետության կառավարությունը:

7.5 Աշխատանքի կատարման ժամկետը կարող է երկարաձգվել մինչև սույն պայմանագրով այդ ժամկետը լրանալը պայմանագրի կողմի առաջարկության առկայության դեպքում՝ պայմանով, որ՝ Պատվիրատուի մոտ չի վերացել գնման առարկայի օգտագործման պահանջը: Ընդ որում սույն կետով սահմանված դեպքում Աշխատանքի կատարման ժամկետը կարող է երկարաձգվել մեկ անգամ մինչև 30 օրացուցային օրով:

7.6 Սույն պայմանագրի պատշաճ կատարման պայմաններում կողմերի (Կատարող կամ Պատվիրատու) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Սույն պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Կատարողի կնքած այլ գործարքները և դրանցից բխող պարտավորությունները, դուրս են պայմանագրի կարգավորման դաշտից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կատարողը:

7.7 Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են ՀՀ դատարաններում:

7.8 Սույն պայմանագիրը կազմված է 14 էջից, կնքվում է երկու օրինակից, որոնք ունեն հավասարազոր իրավաբանական ուժ: Սույն պայմանագրի N 1, N 1.1, N 1.2, N 3 և N 3.1 հավելվածները հանդիսանում են պայմանագրի անբաժանելի մասը, յուրաքանչյուր կողմին տրվում է պայմանագրի մեկ օրինակ:

7.9 Սույն պայմանագրից ծագած կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Սույն պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

7.10 Սույն պայմանագրի նկատմամբ կիրառվում է Հայաստանի Հանրապետության իրավունքը:

8. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ԿԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

ՊԱՏՎԻՐԱՏՈՒ
22 Տավուշի մարզպետարան
22 Տավուշի մարզ p. Իջևան
Սահմանադրության 1
2/2900571079022
2422 07811324



ԿԱՏԱՐՈՂ
<<Տավուշի ՃՇՇ>> ՓԲԸ
22 p. Բերդ
Գետափնյա 5
2/2 220283330151000
2422 07800509



ՏԵԽՆԻԿԱԿԱՆ ԲՆՈՒԹԱԳԻՐ-ԳՆՄԱՆ ԺԱՄԱՆԱԿԱՑՈՒՅՑ

ՀՀ Տավուշի մարզի Բերդի տարածաշրջանի մարզային /տեղական/ նշանակության ընթացիկ ամառային և ընթացիկ ձմեռային պահպանման աշխատանքների

I. Տեխնիկական պահանջներ

1. Ապահովել ՀՀ Տավուշի մարզի Բերդի տարածաշրջանի մարզային /տեղական/ նշանակության ավտոճանապարհների և արհեստական կառույցների պահպանվածությունը այնպիսի վիճակում, որը համապատասխանում է տարվա ցանկացած ժամանակ անվտանգ երթևեկության ապահովման պահանջներին:

2. Ապահովել սպասարկվող ճանապարհահատվածներին տրանսպորտի շուրջօրյա և անվտանգ երթևեկությունը համաձայն ճանապարհների պահպանման կանոնների:

3. Ընթացիկ ձմեռային (ձմեռվա ժամանակահատված) պահպանման պահանջներն են՝

- Ճանապարհների կոնստրուկտիվ տարրերի և երթևեկամասերում թույլ չտալ աղբի, ձյան և սառույցի առկայություն

- Ձյան առատ տեղումների ընթացքում թույլ չտալ 5 սմ-ից ավել շերտի գոյացում: Ուժեղ ձնաբքերի դադարելուց անմիջապես հետո սկսել և ոչ ավելի քան 4 ժամվա ընթացքում ավարտել ճանապարհների մաքրումը

- Մերկասառույցի դեմ պայքարի համար ժամանակին կիրառել աղի և ավազի ցանումը

- Աշխատանքների կատարման ընթացքում ապահովել երթևեկության անվտանգությունը

- Առատ ձյան տեղումների և ուժեղ ձնաբքերի ժամանակ, ճանապարհների մաքրման տեխնիկապես անհնարինության կամ աննպատակահարմարության դեպքում, ճանապարհների փակումն ու բացումը կատարել Պատվիրատուի և ավտոտեսչության տեղական մարմինների համաձայնությամբ

- Ստեղծել շուրջօրյա հերթապահություն, վարել տվյալների գրանցման մատյան և ամեն օր, ժամը 6-8-ը, 12-14-ը և 18-20-ը Պատվիրատուի հերթապահությանը տվյալներ հայտնել, տեղում եղանակի ու ճանապարհների վիճակի մասին:

- Սպասարկվող ավտոճանապարհների տարածքում ունենալ առնվազն մեկ ստացիոնար հենակետ՝ ապահոված հոսանքով, կապի միջոցներով բանվորների և մեխանիզատորների համար ջեռուցվող հանգստյան սենյակով:

- Ապահովել պահպանման մակարդակի բնորոշ ցուցանիշները ՀՀ կառավարության 04.11.2010թ.-ի թիվ 1419-Ն որոշմամբ հաստատված «Հայաստանի Հանրապետության ընդանուր օգտագործման ավտոմոբիլային ճանապարհների ընթացիկ ամառային և ընթացիկ, ձմեռային պահպանման մակարդակների գնահատման ու կատարված աշխատանքների ընդունման կարգի» մեթոդական ցուցումների 3-րդ աղյուսակի «Ճանապարհների ընթացիկ ձմեռային պահպանման ցուցանիշների առաջադրվող պահանջների» համաձայն:

4. Ընթացիկ ամառային («ԳԱՐՈՒՆ-ԱՄԱՌ-ԱՇՈՒՆ» ժամանակահատված) պահպանման և շահագործման պահանջներն են՝

- Ճանապարհների շահագործման և պահպանման կանոնների համաձայն ապահովել սպասարկվող ավտոճանապարհների հետևյալ կոնստրուկտիվ տարրերի պահպանվածությունը՝

- Հողային պաստառ և օտարման շերտ
- Երթևեկելի մաս

- Ապահովել պահպանման մակարդակի բնորոշ ցուցանիշները ՀՀ կառավարության 04.11.2010թ.-ի թիվ 1419-Ն որոշմամբ հաստատված «Հայաստանի Հանրապետության ընդհանուր օգտագործման ավտոմոբիլային ճանապարհների ընթացիկ ամառային և ընթացիկ, ձմեռային պահպանման մակարդակների գնահատման ու կատարված աշխատանքների կարգի» մեթոդական ցուցումների 3-րդ աղյուսակի «Ճանապարհների ընթացիկ ամառային պահպանման ցուցանիշների առաջադրվող պահանջների» համաձայն:

5. ՀՀ Տավուշի մարզի Բերդի տարածաշրջանի մարզային /տեղական/ նշանակության ավտոճանապարհների վիճակը և սպասարկման մակարդակները 2016թ. համար՝ համաձայն N 1.1 հավելվածի:

II. Ձեռքբերման պայմաններ

1. . ՀՀ Տավուշի մարզի Բերդի տարածաշրջանի մարզային /տեղական/ նշանակության ավտոճանապարհների ընթացիկ ամառային և ընթացիկ ձմեռային պահպանման աշխատանքների կատարման ժամկետը սահմանվում է 5 տարի՝ **01.01.2016թ.-31.12.2020թ.**։

III. Աշխատանքների ինքնարժեքի հաշվարկի և գնային առաջարկի ձևեր

1. ՀՀ կառավարության 2010 թվականի նոյեմբերի 4-ի N 1419-Ն որոշմամբ հաստատված «Հայաստանի Հանրապետության ընդհանուր օգտագործման ավտոմոբիլային ճանապարհների ընթացիկ ամառային և ընթացիկ ձմեռային պահպանման մակարդակների գնահատման և կատարված աշխատանքների ընդունման» կարգի IV գլխի 33-րդ կետի համաձայն:

ա) ձև 8-ում (համաձայն՝ N 1.2 հավելվածի) բերված յուրաքանչյուր ժամանակաշրջանի համար մասնակցի կողմից լրացվում են սպասարկման ենթակա ճանապարհահատվածների ամբողջ ցանցի «ԳԱՐՈՒՆ-ԱՄԱՌ-ԱՇՈՒՆ» և «ՁՄԵՌ» ժամանակաշրջանների պահպանման աշխատանքների համար կատարվող ծախսերը և հաշվարկվում են սպասարկվող ճանապարհահատվածների պահպանության արժեքները, որն օգտագործվում է միայն ընթացակարգում առաջին տեղ զբաղեցրած մասնակցին որոշելու նպատակով:

բ) ձև 8-ի բոլոր հանրագումարները լրացվում են Ձև 6-ի Աղյուսակ 5-ի համապատասխան սյունակներում՝ ներառյալ շահույթը, սակայն առանց ԱԱՀ-ի արժեքի (համաձայն՝ N 1.2 հավելվածի):

գ) ընթացիկ («ԳԱՐՈՒՆ-ԱՄԱՌ-ԱՇՈՒՆ» պահպանման ժամանակաշրջան) պահպանման և շահագործման աշխատանքների 1 կմ-ի արժեքները լրացվում են Ձև 6-ի աղյուսակներ 6-ում և 7-ում՝ ներառյալ շահույթը, սակայն առանց ԱԱՀ-ի արժեքի (համաձայն՝ N 1.2 հավելվածի)՝

- Աղյուսակներում լրացվող 1 կմ ավտոճանապարհի պահպանման արժեքում նշագծման աշխատանքների գինը չի հաշվարկվում:

- Աղյուսակների բոլոր ազատ վանդակները պետք է պարտադիր լրացվեն մասնակցի կողմից՝ անկախ տվյալ տարածաշրջանում ընդգրկված ճանապարհների նշանակությունից, վիճակից և սպասարկման մակարդակից:

դ) արժեքները պետք է ընդգրկեն ՀՀ օրենսդրությամբ պահանջվող բոլոր հարկատեսակներն ու տուրքերը, այդ թվում՝ ԱԱՀ:

IV. Աշխատանքների սահմանային արժեքներ և գնային առաջարկի գնահատում

1. Գնային առաջարկի գնահատումը կատարվում է ընթացակարգի մասնակիցների կողմից լրացված և ներկայացված՝

- Ձև 6-ի արժեքների համեմատությամբ պահպանման և շահագործման աշխատանքների սահմանային արժեքների հետ,

- Ձև 7-ի հանրագումարների համեմատությամբ:

ՊԱՏՎԻՐԱՏՈՒ

ՀՀ Տավուշի մարզպետարան

ՀՀ Տավուշի մարզ ք. Իջևան

Սահմանադրության 1

Հ/Հ 900371079022

ՀՎՀՀ 07611324


Ս. Դարիթյան
Կ.Տ.


ԿԱՏԱՐՈՂ

<<Տավուշի ՃՇՇ>> ՓԲԸ

ՀՀ ք. Քերդ

Գետափնյա 5

Հ/Հ 220283330151000

ՀՎՀՀ 07800509


Գ. Արտյունյան
Կ.Տ.


Հավելված N 1.1
 գնան պայմանագրի

<<11>> <<հունվարի>> 2016 թ կերված N ԳԱԿ-ՀԱՇՅԲ-15/1-SU-16/1-2

<< Տավուշի մարզի Բերդի տարածաշրջանի մարզային /տեղական/ նշանակության ավտոճանապարհների վիճակը, սպասարկման մակարդակները և սահմանային արժեքները

1	2	3	4	5	6	7	8
Ավտոճանապարհի անվանումը և պիկետաժը	Ավտոճանապարհի Տեխնիկական կարգը	Սպասարկվող հատվածների ընդհանուր երկարությունը /կմ/	Ճանապարհի արևա վիճակի ծածկագիրը	Սպասարկման պահանջվող մակարդակ	Սպասարկվող հատվածի երկարությունը /կմ/	Միավորի գինը /հազար դրամ/ ներառյալ շահույթը և ԱԱՀ 20%	Ընդամենը տարվա կտրվածքով /հազար դրամ/ ներառյալ շահույթը և ԱԱՀ 20%
Պահպանման ժամանակաշրջանը՝ ՁՄԵՌ							
S-10-38 Տավուշ--Վ.Ծաղկավան -- Վարազավան -- Դ-37 կմ0+000- կմ19+500	Տեղական II- IV	19.5	SL //	միջին	19.5	346.800	6 762 600
S-10-13 Դ-36-Մուլսես-Չորաթան- - Նորաշեն կմ27+200-կմ31+200	Տեղական II- IV	4.0	S-Վ/ III /	բավարար	4.0	312.000	1 248.000
S-10-37 Տավուշ- և Կ. Աղբյուր կմ0+000-կմ6+000	Տեղական II- IV	6.0	4.0 կմ-SF //II,2.0 կմ- S-Վ/ III /	բավարար	6.0	312.000	1 872 000
S-10-9 Հ-36-Չինչին-S-10-38 կմ0+000-կմ4+000	Տեղական II- IV	4.0	S-Վ/ III /	բավարար	4.0	312.000	1 248 000
S-10-44 S-10-38 -Վարազավանի պատմական հուշարձան կմ0+000- կմ4+400	Տեղական II- IV	4,4	SL //	բավարար	4,4	312 000	1 372 800
S-10-16 Հ64 - Քոլագիրի ճամբար կմ0+000-կմ6+000	Տեղական II- IV	6.0	SF //II /	բավարար	6.0	312.000	1 872 000
Ընդամենը		43.9			43.9		14 375 400
Պահպանման ժամանակաշրջանը՝ ԳԱՐՈՒՆ-ԱՄԱՌ-ԱՇՈՒՆ							
S-10-38 Տավուշ--Վ.Ծաղկավան --	Տեղական II- IV	19.5	SL //	լավ	19.5	934.2036	18 392.470

Վարագավան — Գ-37 կմ0+000-կմ19+500												
S-10-37 Տավուշ- Ն.Կ. Աղբյուր կմ0+000-կմ4+000	4.0	SP /II/	բավարար	4.0		1083.5256	4334.1024					
S-10-44 S-10-38 -Վարագավանի պատմական հուշարձան կմ0+000-կմ4+400	4.4	SL /I/	միջին	4.4		900.8927	3 963.926					
S-10-9 Հ-36-Չիչին-Տ-10-38 կմ0+000-կմ4+000	4.0	SP /II/	բավարար	4.0		1083.5256	4334.1024					
Ընդամենը	31.9			31.9			31 024.600					
Ընդամենը՝ Բերրի տարածաշրջանով												
45 400.0												

ՊԱՏՎԻՐԱՏՈՒ
 ՀՀ Տավուշի մարզպետարան
 ՀՀ Տավուշի մարզ ք. Իջևան
 Մահմանաղբյուրյան 1
 Հ/Հ 900371079022
 ՀՎՀՀ 07611324

Ս. Դավթյան
 Գործադիր տնօրեն


ԿԱՏԱՆՈՂ
 <<Տավուշի ճՇՇ>> ՓԲԸ
 ՀՀ ք. Բերրի
 Գետափնյա 5
 Հ/Հ 220283330151000
 ՀՎՀՀ 07800509

Գ. Աղայան
 Գործադիր տնօրեն


Հավելված N 1.2

<<11>> <<հունվարի>> 2016 թ. կնքված N ԳԱԿ-ՇՀԱՇՁԲ-15/1-SU-16/1-2 գնման պայմանագրի

Ձև N 6. Աղյուսակ 6.1

Հայաստանի Հանրապետության Տավուշի մարզի Բերդի տարածաշրջանի II-IV տեխնիկական կարգի մարզային /տեղական/ նշանակության ավտոճանապարհների ընթացիկ ամառային (ԳԱՐՈՒՆ- ԱՄԱՌ -ԱՇՈՒՆ) պահպանման արժեքը (ՀՀ դրամ)

Ավտոճանապարհի վիճակը, (Ծածկագիրը)	Տարվա կտրվածքով (ներառյալ շահույթը, սակայն առանց ԱԱՀ-ի)		
	Լավ պահպանման մակարդակի դեպքում՝ 1 կմ –ի պահպանման աշժեքը	Միջին պահպանման մակարդակի դեպքում՝ 1 կմ –ի պահպանման աշժեքը	Բավարար պահպանման մակարդակի դեպքում՝ 1 կմ –ի պահպանման արժեքը
Երաշխիքային ՏԵ	360 360		
Լավ ՏԼ (I)	786 003	750 743.372	
Բավարար ՏԲ (II)		982 000	902 938

Հայաստանի Հանրապետության Տավուշի մարզի Բերդի տարածաշրջանի մարզային/տեղական/ նշանակության ավտոճանապարհների ընթացիկ ձմեռային պահպանման արժեքը (ՀՀ դրամ)

Ավտոճանապարհի վիճակը, (Ծածկագիրը)	Տարվա կտրվածքով (ներառյալ շահույթը, սակայն առանց ԱԱՀ-ի)		
	Լավ պահպանման մակարդակի դեպքում՝ 1 կմ –ի պահպանման աշժեքը	Միջին պահպանման մակարդակի դեպքում՝ 1 կմ –ի պահպանման աշժեքը	Բավարար պահպանման մակարդակի դեպքում՝ 1 կմ –ի պահպանման արժեքը
II-IV տեխնիկական կարգի մարզային տեղական/ նշանակության ավտոճանապարհներ	323 400	289 000	260 000

Ձև N 6. Աղյուսակ 5

ՀՀ Տավուշի մարզի , Բերդի տարածաշրջանի մարզային /տեղական/ նշանակության ավտոճանապարհների ընթացիկ ձմեռային պահպանման արժեքը (ՀՀ դրամ)

Ավտոճանապարհի անվանումը և պիկետաժը	Սպասարկվող ճանապարհահատվածի երկարությունը	Սպասարկման պահանջվող մակարդակը	Սպասարկվող ա/ճ հատվածների ընդհանուր երկարությունը	Ձմեռային պահպանման ընդհանուր արժեքը՝ տարվա կտրվածքով
------------------------------------	---	--------------------------------	---	--

				(ներառյալ շահույթը, սակայն առանց ԱԱՀ-ի)
S-10-38 Հ-36 –Տավուշ-- Վ.Ծաղկավան -- Վարազավան -- Հ-37 կմ0+000-կմ19+500	19.5	միջին	19.5	5 635 500
S-10-13 Հ-36- Մովսես-Չորաբան- -- Նորաշեն կմ27+200- կմ31+200	4.0	բավարար	4.0	1 040 000
S-10-37 Տավուշ- Ն.Կ. Աղբյուր կմ0+000- կմ6+000	6.0	բավարար	6.0	1 560 000
S-10-9 Հ-36-Չինչին-S- 10-38 կմ0+000- կմ4+000	4.0	բավարար	4.0	1 040 000
S-10-44 S-10-38 - Վարազավանի պատմական հուշարձան կմ0+000- կմ4+400	4.4	բավարար	4.4	1 144 000
S-10-16 Հ64 - Քոլագիրի ճամբար կմ0+000-կմ6+000	6.0	բավարար	6.0	1 560 000
Ընդամենը			43.9	11 979 500

Ձև N 7

ՀԱՇՎԱՐԿ

Հայաստանի Հանրապետության Տավուշի մարզի Բերդի տարածաշրջանի II-IV տեխնիկական կարգի մարզային/տեղական/ նշանակության ավտոճանապարհների սպասարկման ընթացիկ տարվա արժեքի (ՀՀ դրամ)

Տեխնիկական կարգը	Առկա վիճակը	Սպասարկման մակարդակը	Հատվածների ընդհանուր երկարությունը (կմ)	Միավորի գինը համաձայն ձև 6-ի համապատասխան աղյուսակների (ներառյալ շահույթը, սակայն առանց ԱԱՀ-ի)	Ընդամենը արժեքը «4»x«5» (ներառյալ շահույթ)
1	2	3	4	5	6
Պահպանման ժամանակաշրջանը ՉՄԵՌ					
Տեղական II-IV		Միջին	19.50	289 000	5 635 500
Տեղական II-IV		Բավարար	24.40	260 000	6 344 000
ընդհամենը					11 979 500
Պահպանման ժամանակաշրջանը ԳԱՐՈՒՆ-ԱՄԱՌ-ԱՇՈՒՆ					
Տեղական II-IV	ՏԼ IV	Լավ	19.50	786 003	15 327 058.5

Տեղական II-IV	ՏԼ /IV/	Միջին	4.40	750 743.372	3 303 270.84
Տեղական II-IV	ՏԲ /III/	Բավարար	8.0	902 938	7 223 504
ա / Ընդամենը ընթացիկ պահպանում				25 853 833.34	
բ / Ընդամենը ձմեռային պահպանում համաձայն Ձև 6-ի				11 979 500	
ԱՄԲՈՂՋԸ (ա+բ)				37 833 333.34	
ԱՄԲՈՂՋԸ՝ տառերով <u>երեսունյոթ միլիոն ութ հարյուր երեսունեներե հազար երեք հարյուր երեսունեներե ՀՀ դրամ</u> <u>երեսունչորս լումա</u>					

Ձև N 8

Հաշվարկ

ՀՀ Տավուշի մարզի Բերդի տարածաշրջանի մարզային /տեղական/ նշանակության ավտոճանապարհների «ԳԱՐՈՒՆ-ԱՄԱՌ-ԱՇՈՒՆ» և «ՁՄԵՌ» պահպանման ժամանակաշրջանների՝ պահպանման աշխատանքների՝ սպասարկման ընթացիկ տարվա արժեքի (ՀՀ դրամ)

1.	Պահպանության վրա կատարվելիք ծախսեր, ընդամենը այդ թվում՝	Գարուն-Ամառ-Աշուն	Ձմեռ
1.1	-հումք և նյութեր	4 524 000	1 307 000
1.2	-վառելիք	7 339 000	4 123 000
1.3	-էլ. Էներգիա	1 428 000	169 302
1.4	-մեխանիզ. և մեքեն-ի վարձավճար	1 355 000	290 000
1.5	-աշխատանքի վարձատրման ծախսեր	7 057 000	4 251 000
1.6	-սոց. Հատկացումներ	1 834 820	1 105 260
1.7	-ամորտիզացիոն հատկացումներ	1 046 600	145 880
1.8	-այլ ծախսեր	38 278.42	17 605.62
2.	Շահութաբերություն 5 %	1 231 134.92	570 452.38
	Ընդամենը	25 853 833.34	11 979 500
3.	ԱԱ հարկ 20%	5 170 766.66	2 395 900
	ԱՄԲՈՂՋԸ	31 024 600	14 375 400

ՊԱՏՎԻՐԱՏՈՒ

ՀՀ Տավուշի մարզպետարան
ՀՀ Տավուշի մարզ ք. Բերդի
Սահմանադրության 1
2/2 900371079022
2422 07611324

Ս. Գալստյան
Ս. Գալստյան
Գ.Տ.



ԿԱՏԱՐՈՂ

«Տավուշի ՃՇՇ» ՓԲԸ
ՀՀ Տավուշի մարզ ք. Բերդի
Գետափնյա 5
2/2 220283330151000
2422 07800509

Գ. Աղամյան
Գ. Աղամյան
Գ.Տ.



Հավելված 3

<<11>> <<հունվարի>> 2016 թ. կնքված N ԳԱԿ-ՇՀԱՇՁԲ-15/1-ՏՄ-16/1-2
զեման սայմանագրի

Պայմանագրի կողմ

գտնվելու վայրը _____
հհ _____

հվհ _____

Պատվիրատու

գտնվելու վայրը _____
հհ _____

հվհ _____

**ԱՐՁԱՆԱԳՐՈՒԹՅՈՒՆ N
ՀԱՆՁՆԱՆ-ԸՆԴՈՒՆՄԱՆ**

« _____ » « _____ » 20 թ.

Պայմանագրի /այսուհետ՝ Պայմանագիր/ անվանումը՝

Պայմանագրի կնքման ամսաթիվը՝ « _____ » « _____ » 20 թ.

Պայմանագրի համարը՝ _____ և
Պատվիրատուն՝ ի դեմս _____
Պայմանագրի կողմը՝ ի դեմս _____, իմք ընդունելով
Պայմանագրի կատարման վերաբերյալ « _____ » « _____ » 20 թ. կազմված՝ զեման հայտը
նախագծած ներկայացուցչի N _____ եզրակացությունն այն մասին, որ Պայմանագրով նախատեսված՝ ստորև
նշված աշխատանքները համապատասխանում են Պայմանագրով ամրագրված տեխնիկական
ընտրագրերին և զեման ժամանակացույցին՝ կազմեցին սույն արձանագրությունը հետևյալի մասին.
Պայմանագրի շրջանակներում Պայմանագրի կողմը կատարել է հետևյալ աշխատանքները՝

N	անվանումը	տեխնիկական ընտրագրի համառոտ չարտդրանքը	Կատարված աշխատանքների				Վճարման ներակ ի զրամարդ /հազար դրամ/	Վճարման ժամկետ ը/ըստ վճարման և ժամանակացույցի/
			քանակական ցուցանիշը		կատարման ժամկետը			
			ըստ սայմանագրով հաստատված զեման ժամանակացույցի	փաստացի	ըստ սայմանագրով հաստատված զեման ժամանակացույցի	փաստացի		

Վերոհիշյալ աշխատանքների կատարման վերաբերյալ բոլոր հաշիվ-ապրանքագրերը
հանդիսանում են սույն արձանագրության բաղկացուցիչ մասը և կցվում են:

Աշխատանքը հանձնեց

ստորագրություն

ազգանուն, անուն
Կ.Տ.

Աշխատանքը ընդունեց

ստորագրություն

ազգանուն, անուն
Կ.Տ.

ԱԿՏ N

պայմանագրի արդյունքը Պատվիրատուին հանձնելու փաստը ֆիքսելու վերաբերյալ

Սույնով արձանագրվում է, որ _____-ի (այսուհետ՝ Պատվիրատու) _____
(Պատվիրատուի անունը)

և

_____ի (այսուհետ՝ Կատարող) միջև 20 թ. _____-ին կնքված N _____
(Կատարողի անունը)

գնման պայմանագրի շրջանակներում Կատարողը 20 թ. _____ -- -ին հանձնման-
ընդունման նպատակով Պատվիրատուին հանձնեց ստորև նշված աշխատանքները.

Աշխատանքի		
Անվանումը	Քանակական ցուցանիշը (փաստացի)	Չափի միավորը

Սույն ակտը կազմված է 2 օրինակից, յուրաքանչյուր կողմին տրամադրվում է մեկական օրինակ:

ԿՈՂՄԵՐԸ

Հանձնեց

ազգանուն, անուն

ստորագրություն

Ընդունեց

հայտը նախագծած ներկայացուցիչ՝

ազգանուն, անուն

ստորագրություն